



思念認真拍拚的細漢小弟

阮小弟阿祥是尪仔囡，出世彼陣，厝裡已經幾若冬無生細漢囡仔。看伊會笑、會哭，身軀洗了閣芳 kòng-kòng，反來反去真健丟。一个尪仔面遐古錐，規厝間攏誠歡喜，獨獨煩惱的是基層公務人員阿爸伊。厝內頭喙遮大堆，一肩擔雞雙頭啼。

彼幾冬阿爸誠巴結，寫文章投稿領寡稿費，參加國術、演講、論文各種比賽拚獎金。阿爸定定講：「骨力食粟，貧情吞瀾。」同事嘛知影阿爸擔頭重，若無愛做的暗班就讓伊代班，予伊加趁寡錢來相添。阿母一工到暗買菜、煮飯、車衫、洗衫、曝衫、收衫，無閒甲若親像干樂玲瑯瓏。

小弟自細漢就真認命嘛足拍拚，臺北工專土木科出業，順利考入捷運局。結婚了後連繼生兩個查某囡，尾仔徙去臺北蹓，賸過年過節才會轉來。伊不時唸講：「死薪水飼囡真艱苦，愛揣寡外路仔來轉瓏，所費就會當較冗剩。誠想欲加趁寡錢，予父母和某囡的生活會當較快活。」就按呢，無講無咀，並無參厝裡參詳，大主大意就辭掉穩定的頭路。

阿祥想講事業若是比人較頂真、較拍拚，早慢就會出頭天，嘛趁會著錢。看講目前食頭路的人真濟，厝內無煮食，食外口的人愈來愈濟，就按呢去考勞委會丙級廚師證照，開始賣早頓，像講豆奶、米奶、包子、飯丸。翁仔某全心做生理，大碗閣滿墘，利純無懸毋過人氣好，做無一冬就有趁錢，分店嘛加開兩間。伊嘛兼做鼓作佮裝潢，稽頭愈允愈齊勻。阿祥有善良的心，不時幫贊艱苦人，愛交朋友閣講義氣。人緣好，嘛來做到商圈發展協進會會長，事業愈做愈大，顛倒變甲誠罕得轉來看父母。

一个人無暝無日舞袂煞，本成身體勇甲若牛，哪知日操暝拚咧拖磨，一晃十外冬身體煞袂堪得。等到知影各樣矣，緊去蹓院、檢查、治療兼打撲，前後都無半年，人生旅途就煞鼓。拍拚為家庭付出的小弟一生，是阮心內上毋甘閣上數念的心悶，伊用性命共阮提醒「趁錢有數，性命愛顧」的意義。

作者：蔡惠芬

☆詞彙學習☆

【健丟】kiān-tiu：伶俐、靈活。
【巴結】pa-kiat：上進努力，堅強不示弱。
【骨力食粟，貧情吞瀾。】Kut-lāt tsiāh-lāt, pîn-tuānn thun nuā.：比喻勤勞者可自食其力，懶惰者只好挨餓。
【轉瓏】tng-séh：周轉。資金的運轉。
【冗剩】liōng-siōng：寬裕。
【無講無咀】bô-kóng-bô-tàn：不言不語、不動聲色、不聲不響。形容人不出聲音或無預警地就做出動作反應。

【大碗閣滿墘】Tuā uánn koh buán kinn.：比喻物美價廉。
【鼓作】kap-tsoh：製作家具的。
【齊勻】tsiâu-ûn：指動作順暢不中斷。
【各樣】koh-iūnn：異樣、異狀。不一樣、不同的狀況。
【打撲】tánn-tiáp：處理、修理。
【煞鼓】suah-kóo：劇終。戲劇終了。用以引申事情或活動結束。